



**Claudii Fleurii Abbatis Historia Ecclesiastica**

Ab anno Christi 1652. usque ad annum 1662

**Fleury, Claude**

**August. Vind. [u.a.], 1779**

**VD18 90119185**

§. 92. Nova contentio Gandavensium Parochorum cum Jesuitis circa  
attritionem.

---

[urn:nbn:de:hbz:466:1-67372](#)

Sæc. XVII. & indoles in Cygno expressa, præter  
A. C. 1662. Suadam Romanam, & tractatum de  
Incarnationis mysterio: IV. Theophilus Grosgebaur edidit dissertationes  
de politia Nazarænorum, explicationes  
epistolæ ad Ephesios, & alia quædam

## §. XCII.

*Nova contentio Gandavensium Parochorum cum Jesuitis circa attritionem.*

*Jugem. de la Faculté de Louvain Recueil des Aff. du Clergé tom. I.*

Ineunte anno hujus saeculi sexagesimo secundo gravis exorta est alteratio inter Gandavenses Parochos, & ejusdem Urbis Jesuitas; cum enim Parochi in suis sermonibus & doctrinæ Christianæ institutionibus saepissime inculcarent, quod attritio ex solo inferni aut pœnarum timore concepta absque aliquo saltem motione amoris imperfecti benevolentiae erga Deum non sufficiat ad obtinendam in Sacramento gratiam justificationis. Adversus hanc doctrinam acrius insurrexere Gandavenses Jesuitæ, qui opolitam sententiam pro aris & focis propugnantes, palam contra Parochos declamabant; quoniam vero in scholis & pulpitis tradidisse arguerentur, quoniam difficile sit amare Deum, suffici autem illum timere, & ex hoc metu extare peccatum, hinc Parochi apud Episcopum

scopum Gandavensem vehementer que- Sæc. XVII.  
A.C. 1662.  
sti, ab ipso quoque summo Pontifice,  
ut has doctrinas damnaret, petierunt:  
interim vero die duodecima Maji no-  
vem Parochi ad Facultatem Theologi-  
cam Lovaniensem literas dederunt,  
supplices, quatenus ea super eorum  
doctrinam, quam ex sancti literis, Con-  
ciliis, & Patribus stabilierunt, suum  
judicium ferre vellet: Hæc igitur die  
ultima ejusdem Mensis communi om-  
nium suffragio pronuntiabat, quod do-  
ctrina circa amorem benevolentiae in  
attritione requisitum sit sana, tuta,  
vera, ab omni censura immunis, ac  
digna, ut fidelibus sedulo proponatur,  
& publice in Concionibus tradatur.  
Pronuntiato hoc Universitatis judicio  
tripudiabant Parochi, nec tamen pro-  
tere resedit adversæ partis contentio,  
donec Alexander VII. Papa anno hujus  
sæculi sexagesimo septimo die quinta  
Maji indicta anathematis poena inhi-  
buerit, ne tam hi quam illi audeant  
alicujus Theologicæ censuræ, alteriusve in-  
juriæ aut contumelie nota taxare alter-  
utram sententiam . . . . donec a Sancta  
sede fuerit aliquid hac in re definitum.